

周易不窺此書者難以陳其趣若又披此書者恐不免其徵然而俗人之諺未識所由好學以事君父則天須與善嗜道以辨禮儀亦神蓋幸謙從幼學之齒縱讀此書到知命之年將究其理何必待五旬之算徒可擲一經之勤新知人凶誠非書凶但唯云陰陽之言也易迷者顯微之境也不知蒙冥道之加被破厲階於未然加之明年之曆相當重厄彌致謹慎將拂禍患是故敬專如在之禮聊設惟馨之奠易有明信神其捨諸縱有妖怪之可來翻為福祐縱有運命之可致便壽算伏乞玄鑒必答丹祈謹啓

日本國康治二年十二月七日 內大臣正二位藤原朝臣 某 謹啓

三年二月十一日壬辰今日依日次宜招少納言通憲習易筮成卦作法今日伐日有憚否問之通憲曰無憚因習之寢殿西北廊設座通憲西面余東面是武王受丹書於太公望之禮也註學記正義云六世王庭之位若尋常師從之教則師東面弟子西面與此異也今案成卦者重事也可異尋常教學之儀因准丹書之儀也通憲并余座皆高麗自一昨日精進但魚食不忌唯忌月水戊刻通憲來布衣余相逢烏帽子習之通憲先成卦次余成卦不問吉凶及子刻欲歸命予云勿多言勿多言余對曰唯通憲與帖子錢著余以列見考定抄二帖次第一帖雜例一帖通憲曰勿他見書寫可返與此書先年大臣著座時百日之間忘寢食所抄書也

〔花園院御記〕正中二年六月十七日乙未此間徒然之間讀易疏是知命十歲之後可見此書之由有古人口傳而寬平御讀之由見御記是卅許御年歟未勘之又漢朝人多以幼年學之予心中竊疑之而去

裏書

宇治左府記讀易年齡事委記之子細有理但不吉之人也仍後人不為證歟王侃說云和漢之例強

不可憚何況踐天子之位豈不知天命哉是故後宇多院并今上醍醐有御讀予雖不肖讀可讀之書

等已經天子之位讀天命之書豈背理哉而伺去年夢想更不為知天命只為道義也更不可有苦歟讀此書之時洗手不散帶又不放烏帽聖人之作天命之書有恐之故也是宇治左府所為也叶理之

間用之夢想之事見去年記仍不記之夢涉於虛實不可偏信而事理相叶仍用之也